

## Nakonsha kupuluka kukikola Kya AIDS nyi?

Juba jimo, nsongwalume ne nsongwa kazhi umo baile na kwenda mubujimi bwabo.

Bintu byonse byajingatu bulongo. Vula yanokele pakimye kyawama ne kukomesa binwa byonse. Mukwenda kwabo ba bataine bichi byanengela

Ne bipangwa ku misampi yonse. Mu bujimi bonse, mwajitu kichi kimo kyo bujile kufwainwa kuja. Mulundunabo wawama we babujile amba kechi bafwainwa kino kichi ne. Moba apichile avula kwakubula nangwa kukwata kukino kichi ne, mambo baji namoyo. Pono mino baishile nakwikala nakijikila kya kukeba kuyuka. Pajino juba byobapichilenga pepi nakino kichi, bainvwene jibwi kufuma ku muntu wasendalele munshi ya kichi. Uno muntu waji mwenyi mino aye wavwajile bivwalo byawama bingi. Uno muntu wayukile amba bajinga nakijikila kya keba kuyuka byunvwayika kino bipangwa bya kino kichi. Aye wibabujile amba kijitu kuja kino kichi. Byambo byamulambwizha bya uno muntu byaunvwayikile bingi bulongo pakunvwa byo ambile amba kuja kukino kichi kukebaletela buwame ne mana.. “ Nanchi kyatama ka kuja kukupangwa kyawama byonkabye?”, nsongwakazhi wilanulwishe mwine. Ponkampo awa wa mukazhi waunvwijile ne kweseka kuja kino kipangwa. Ne mwana muleme naye wajile. Kipangwa kya tobele bingi, pano baishile kutana kulutwe amba kino kipangwa kibaletelijile kuyanda kukatampe mubwikalo bwabo ne bwa bana babo.

Bino byo mwatanga ke kishimikizho kya Adama ne Ewva byo ebesekele Satana ne kulenga mambo. Kampa mubena kwiipuzha amba “**Pano bine bya mbo bya AIDS bijipi mujino jishimikizho bijipi?** Muji lufunjisho lukatampe mubino byambo. **Saka bakyangye** kuja kino kipangwa Adama ne Ewva bajinga balamwinwa kubintu byatama byaishile na kino kipangwa.

Palutwe ya kuja kino kipangwa, ipo pobayile kutama kwakino kipangwa. Kumanama ne lufu kwaishile na kulengulula byambo bya Lesa bya kwibakanya kuja kino kipangwa, poso ponka pa kupwisha mu muchima, nekwapa ne kuja kuno kichi

Kijipamo na AIDS. Pakulamwinwa ku AIDS, twafwainwa kwikikanya kino kikola kutwela mukachi ka mibiji yetu. Kipikichala kiji kuntendekelo kwauno buku ke kipikichala kya kalongolo ka AIDS. Kano kalongolo ka AIDS kachepa kya kinekinge. Tulongolo one million twkonsha kutwela mu jitomwa kakacheche nobekano kalondela kino kyambo . Ma condom kechi akwasha ne mambo kano kalongolo kachepa bingi kabiji kapita mutubimbo twama condom. Ma condom byoabula kukanya kwimita, kechi akonsha kukanya kalongolo ka AIDS ne. Inge muntu uji na AIDS, mema amumubiji wabo aji kalongolo. Bakonsha kumwekata bulongo kumenso, pano muya moba, kalongolo kakokeshwa mubiji. Inge ano mashina nangwa mema amukachi kamubiji wabo atwala bumuji wenu, neanweba mukekela na kalongolo. **Lubuko bwa AIDS kafwako.** Bavula babena kutambula AIDS mu Zambia nambo abulalelale.

## **jishinda ja konsha kulamwina muntu ku kikola kya AIDS ke ja KWIKANYA.**

Kwikanya kwalumbulula amba kubula kuba bulalelale kwakubula kosongola ne kusongolwa, kabiji ne kwikala mubukishinka kwa bainetu ne bashetu mumasongola. Kino kikemulamwina ku jishinda jabaya jitambwilamo AIDS bantu bavula. Kwikanya kechi kwapelane mambo bavula bekala nakijikila kyakukeba kuyuka byokiji kwiyuka na muntu. Kampe bakwenu babena kwimutundaika amba kijitu kweseka bulalelale.

### **Mashinda akuchinamo bulalelale**

1. Kwibika mulweseko nangwa kwikala kwafyamika kwabunke na mwana mulume nangwa mukazhi. “Kechi mwimwene jimo nangwa mucheche mwa kubila bya lwisolwa buntunshi ne.” Loma 13:14
2. Inge mwitana mulweseko, nyemai nekufumamo muyoyo mpuzha. “Chinai bulalelale” 1 Kolinda 6:18
3. Lombai nekwipuzha Lesa amba emupe ngovu ya kwikala babula kukaswa mukijiba kya bulalelale. “Nakonsha kuba byonse mwi Aye unkosesha” Filpai 4:13